

پازار ایرتسی فی ۲۹ ربیع الاول ۱۳۳۰

وفی ۵ مارت ۱۳۲۸ سنه

## || جمعیت علمیہ اسلامیہ نک ناشر افکاریدر ||

|                     |                       |                       |
|---------------------|-----------------------|-----------------------|
| مدیر مسئول          | سر محرر :             | صاحب امتیاز :         |
| مکتب قضاء معلمارندن | فاتح مجیز درسعاملرندن | فاتح مجیز درسعاملرندن |
| کایسلی              | توقادلی               | نصوح افندی زاده       |
| منیر                | مصطفی صبری            | مصطفی عاصم            |

### مندرجات

|                                   |                     |
|-----------------------------------|---------------------|
| اسلامیت — دان دیزم                | ابن انرحمی علی طیار |
| وحدت تربیه                        | حافظ حسین           |
| یکی میسوزلر                       | ع . عاطف            |
| مدنیت شرعیه                       | م . عاطف            |
| فی ذم التمثیل المسمی بالتیاریو    | ادیب عینتابی        |
| حق                                | مصطفی عاصم          |
| تاریخ اسلام                       | طاهر المولوی        |
| درس و کائناتک خلاف قانون اجرا آتی | صالح ذکی            |
| معارف نظارتک نظر دقتنه            | ویسی عزیزی          |
| ادبیات                            |                     |
| شعر                               | حاجی شوکت           |
| ادبی باغچهدلر                     | علی طیار            |

### اعلان

نسخه سی ۱ غروش

آبونه اجرئی ( پوسته اجرئیه برابردر )

ممالك اجبیه ایچون .  
۱۳۰۰۰ فراقی  
" ۶,۵۰۰

استانبول وولایات ایچون :  
بر سنه لکی ۵۰ غروش  
آتی ایلفی ۲۵ »

درج اولن بیان اوراق آمده ایدلر

قارئلر مزه

اکثر مقالاته آیات کریمه واحادیث نبویه درج ایدلش بولندیفی نظار اعتبارده آلهرق رعایتسزلکده بولنله امسی رحا اولنور .

[ توسیع طباعت ] محمد حلمی و شرکاسی عدلیه خانی نومرو ۱۹

دنیویه ایله متناسباً و مبسوطاً حرکت و ترفع ایتملی دینلیمیزی  
در حال باشلر صالانیور الیرنده مغالطه و سفسطه دن بشقه  
بر سلاح یوق جریانات متضاده افکاردن ایکنجیلی  
محافظه کارانه در .

بو فکرک اربابی دیورلرکه تربیه و حسیات دینه مزى  
ترقیات ماده و تکامل مدنی مز ایله برابر کوتور ملی ز .  
بو یولده تکمل ایتیش ملتیر وارد زاپون وانکیز ملتیری  
بورایک صواب اولدیغنه برر شاهد عادلر .

فی الحقیقه سالم بر فکر متین بر محاکمه ایله دوشون  
هر صاحب عقل سلیم بورایک صواب اولدیغنی تسلیم ایده جکی  
بدیدیر زیر اترقی ایچون ملل غریبه نی تقلید و مشق اتخاذ  
ایده جک دکلی ز ؟

کیم درکه آنلرک ترقیات ماده لرینی ، فنون و صنایعنی ،  
تجارت لرینی حاصلی بزى مسعود ایده جک هر حال لرینی تقلید  
وبلکه تحقیق ایتیه لم بوکا کیمسه نک اعتراض ایتدیکی یوق  
هر طرفدن کمال حرص و اشتیاق ایله انتظار اولتمقده در .  
لکن مدنیت دیه غربک اخلاق سفیه سنی ، اعتیادات  
رذیله سنی حاصلی هر دورلو معنویات متفقه و مکروهه سنی  
آله حق اولورسه ق بز بوکا ترقی دکل تدنی دیمکه مجبورز  
چونکه بوکبی حالات مکروهه ملت اسلامیه و عثمانیه نک  
صاف . پاک . نریه اولان اخلاق نجیبه سنی تلویث ایده جکی  
کبی شاعت و امثالی خصائص قومیه و فضائل فطریه سنی  
دخی محو ایلیمه جکدرکه بوندن دهها بویوک فلاکت  
واضحال اوله ماز .

فی الحقیقه اهل ایمان حکمتی ، علمی زرده کورورسه  
نی آلمق ایله مکلفدر . لکن اولجه حکمت اولدیغنی  
فرق و تمیز ایدیمه لمیلدر . یوقسه علی العمیا هر شیئی  
تقلید ایتک ایسته ی ارباب خفته آتیده کی سرزنش بحق  
وارد اولور .

بر حیت شناس فرزانه

پایه مز جنبش فرنکانه

مدنیت دیوب روائی کس  
اوله سگ هرزه کار و هرزه سخن  
بزه لازمه محسنات فرنک  
یوقسه لازمی کفن و جامه تنک  
چشم عقل اولمینه پاک و بصیر  
کوزی تک کوزلک ایلز تنور  
ضعف بازو که مرده عار ویرر  
الده باستون نه افتحار ویرر

فاتح درسهاملرندن و دارالفتوایک الیات و یوق

شعبه لری مآذونلرندن

دمبر حصارلی

حافظ حسین

- یکی میسیونرلر -

سرنامه نی کورندر . اوروپا عالم روحانیتک اهل اسلامی  
خرستیانلعه جلب ایتک ایچون طرف . طرف سوق ایتکده  
بولندیغی دین نشر یا تحیلرندن بحث ایده جکی تخمین ایدرلر  
حال بوکه داعیلری بوراده اونلردن دکل . بلکه دهامؤثر .  
دها وحشی یکی میسیونرلردن ، ایچم زده کی دین دشمنرندن .  
وجدان چاپوچیلرندن بحث ایده جکم . چونکه خارجدن  
کلدر . داخلدن یاشنلره نسبة دهها ساده . دها اهمیتسزدر .  
خارجدن سوق ایدیلن مفسد لری اهل اسلام . قبالرندن .  
قیافارندن یکنظرده آکلار و اوکره نیر ، اونلرک نشر  
ایتمکده بولندیغی آثار مفسدت شکیله . طریقه تعین  
ایدر ؛ چونکه اجنیدر . اجنی مالی نه قدر اولسه بالیدر ؛  
فقط بو دیدیکلرم اوله می یا ؛ بونلرک آدی ، صانی . شکلی  
قیافنی طبق بزم آدیمز ، صائمز . شکلمز . قیافتمز کییز ؛  
بونلری کورندر بر مسلم متفق ظن ایدرلر ؛ حال بوکه  
یونلر دین نه در ؛ بونی آکلارمز . اوکرشمش طاقندن ده  
دکلدرلر . بویله لری حدلرینی بینوب یرلرده راحت

اولی لازم کنی : بر دقت به راحت اوطوره میورل حاضر میدانی مساعد بولدقلری ایچون هر درلو وسائطه مراجعت ایدیورلر . قونفرانسار ویریور ، حکایه لر یازیور : شعرلر نشر ایدیورلر .

بونلرک اگ سهواته صوقولدقلری یلر . . مکتبلردر ؛ بیوکلری اقتناع ایتمک نه قدر اولسه بر آز صعوبتلی اوله جفی ایچون کوچکلره تجاوز ایدیورلر ، اونلرک معصوم فکرلری زخرله مک ، وجدانلری قوبارمق ایسته یورلر ، بونلرک اگ جرأتکارلردن برینک بوکونلرده تاریخ قدیم نامنده بر اثری ، بر شاهد مفسدتلی نشر اولمشدر .

بو اثر ملعتک ناظمی اولدینی تواتراً روایت اولونان سابق مکتب سلطانی مدیری فیکرت بک اوراده او یله هدیانلر ایتشدرکه قلبنده ذره قدر ایمانی اولانلر اوقیوبده متأثر و مأیوس اولماسی قابل دکلدر .

بوسابق مکتب مدیری چو جملرمزدن باشلایه رق دین اسلامی ، حتی بتون ادیان سماویه یی قلمباردن سیلمک تشبندده بولنیور ، بویله بر جرأت مالا انکلترده وقوعه کسه فاعلی بوکون جزای سزاسنی کورمش بولانه جقدی ، حکومت مز کثرت مشاغله نمیدر . نه در ؛ بویله شیلرله لزومی قدر اهمیت ویرمیور ، او مفسدلرده کوندن کونه جرأتلری آرتیریور .

علمیه دوشن بروظیفه وار ایسه اوده بویله مفسدلری امت اسلامییه طاققدر . مات اسلامییه بوضورتله او دین دشمنلری او وجدان مخربلری اوکرشمش اولور . اوکا کوره تحفظ ایدر والا ایچمزدکی بو مفسدلرک آچه جفی جریحه . ویره جکی زیان ایتمک ایلانلرک هجومه تجاوزینه بکزه مز .

ع . عاطف

مدنیت شرعیه ، ترقیات دینه

استبداد

مابعد

( حقایق اشیا اضدادیه منکشف اولور ) قضیه سنه بناء مشورتک ضدی اولان استبداد ؛ ترک المشورتدن دخی براز بحث ایتمک ایسترم : دین جلیل اسلامده مشورت مشروع و مدوح اولدینی کبی ضدی اولان استبدادده مذموم و ممنوعدر .

حضرت علی کرم الله وجهه بیورمشلردرکه : ( نعم الماؤزرة للمشاوره بشئ الزاد الاستبداد مشاوره کوزل معاونه در . استبداد و تفرده چرکین و فنا آیتدر . ) . استبداد : لغتده استشاره ایدلمی لایق اولان شیلری بر شخص کندی رأی واراده سنه قصر ایتمک دیمکدر .

اصطلاح سیاسیونده استبداد : بر شخص ویا اشخاص کثیره مجرد کندی اراده کینه و آرزوی نفسانیلری اقتضاسنه کوره بلا پروا بر قومک حقوقنده تصرف ایتمک دیمکدر .

عرف ناسده استبداد مطلق سویلنجه خصوصیه حکومتک استبدادی مراد اولنور .

استبدادک منشأی اولوالامر و ارکان حکومتک امور امت و مصالح ملتده تصرفک قوانین شرعیه واراده امته تطبیقه عدم تقیدی در .

استبدادک ضرری : ظلم ، اسانت ، غدر ، خیانت ، ذلت ، مسکنت ، فقر و ضرورت . بطالت و عطلالت ، خراب مملکت و جهالت امت کبی شیلردر .

بوخی متمع اونق اوزره بومقامده برنیزده حریتدن بحث ایتمک ایسترم .

حریت

حریت : لغتده بر قاج معنایه کلیر : آنلردن بری